

O TÀNGO DE SÈRVE

(Luigi Anselmi - Nafta)

Lazù 'n sciô Pónte Pìlla
re7
Ciàssa Colónbo e Pontexéllo
sol-
a Tögna co-â Camìlla
re7
són li che aspêtan un nazéllo
sol-
o l'é vestîo de nêuo
sol7 do-
che bèllo vestî bón
sol-
con çìnque gàtti aprêuo
do- sol- la7
o l'à-acatòu ino Prión
re7

Quarànta sèrve vàn la tütte in sciâ ciamâta
sol re7
tànte marmòtte pàn e fàcce de tomâta
la-7 re7 sol
a l'é röba co-o tòcco che bèl'ödô de ciòula
do mi7 la-
chi l'é inciastrâ de mócco ò gràssò de casòula
la dim sol re7 sol

E sèrve se divìdan in tànte categorìe.

Categorìa tonbarèlli: saiéivan quélle che co-ê
stànghe càregan ciù a l'âia, con doê rêue
davànti grösse e a fàccia quadrâta ch'a pà'n
fanâ co-o tòcco de candéia asmòrta drénto.

Categoria casòule invernixæ e pugnàtte: saiéivan quélle con quélle fàcce che pàn patêche co-a pitûa, o nâzo pìn de barbêra e-oêge rósse.

Categoria “*guardami con passione*”: sòn quélle co-o bitîro 'n tésta, i éuggi co-â popilla pe traverso còmme i gatìn e pàrlan italiàn a-a doménega sôlo.

Categoria bàlli rùsci: sòn quélle che sciòrtan co-â tésta infia'nto piâno, i éuggi fissi in sciâ manéggia; pàrlan de tànghe, raxón-an in ténpo de vâlser, vàn a câza inbræge, bàlan in cuxinn-a e çèrcan e prûxe a ténpo de shimmy.

Categoria fonògrafi: sòn quélle che se métan in Pontexéllo da-a vixìn a-a vaschètta tanto che no ghe sécche a gôa, comìnsan a parlâ a doê-ôe e finiscian a set'ôe, travàgian a còtimo, màngian dischi “*La Voce del Padrone*” e bròddo de pontétte da fonògrafi.

Categoria elegànti: son quélle co-î goànti scinn-a da-e gòmie pe no fâ védde che l'àn brütte, én vestîe a colôri che pàn i vapôri in ténpo de goæra, nàvegan co-o mâ càrmo, bordézan sótt'a-i pòrtici, lêzan i manifèsti di cinematògrafi e çèrcan sénpre quarchedùn che ghe pâghe o cîne.

A l'Acasêua te vàn côran che pàn carétte
de carcagnæ ve dàn e sgoâran e câsétte
én come-e bóghe a sciàmmi fæte che pàn scöpélli
s'anæ a pescâ co-î làmmi ve pòrtan vîa i natélli
la dim sol re7 sol